

江西詩叢



江西詩徵卷二十七

元

虞集

集字伯生蜀郡人允文五世孫父汲僑寓崇仁大

宋如曲德初薦授大都路儒學教授累遷祕書少監進侍

學官講學士至正中卒贈江西行省參知政事仁壽郡

壽公諡文靖有道園學古錄

高竹臨水上

高竹臨水上幽花在崖陰以彼貞女姿當此君子心春陽

不自媚夕露忽已深湘妃昔鼓瑟悵望蒼梧岑

江西詩徵

卷二十七

退直同柯敬仲博士賦

月下白玉階露生黃金井疎條栖鵲寒衰蕙流螢冷戀闕

感時康懷歸覺宵永晨鐘禁中來白髮聊自整

寄陳眾仲助教上都作

學省足清畫詞垣驚蚤秋美人隔河漢落月在高樓持衣

未成曲吹笛不勝愁還趨鳩鵲觀別製鷓鴣裘

家兄孟修父輸賦南還

大兄五月來作客八年不見頭總白五人兄弟四人在每

憶中郎淚沾臆我家蜀西忠孝門無田無宅惟書存兄雖

筦庫實父蔭弟竊微祿承君恩文章不如仲氏好叔氏最

少今亦老五郎十歲未知學嗟我何爲長遠道諸兒讀書



俱不多又不力耕知奈何憂來每得二三友看花把酒臨
風哦蜀山嵯峨歸未得盤盤先壠臨川側碧梧翠竹手所
移應與青松各千尺南風吹雪河始冰兄歸烏帽何畏畏
明年乞身向天子共讀父書歌太平

題柯博士畫

磯頭風急湖水長蒹葭蒼蒼繫魚榜青山一髮是江南白
頭不歸神獨往幽篁繞屋茅覆檐木葉脫落秋滿簾買魚
沽酒待朋月定是黃州蘇子瞻子瞻文章世希有滴向江
波動星斗夜投斷岸發清嘯棲鷗驚飛怒蛟吼圖中風景
偶相似欣然揮灑春雲開子瞻應是念鄉里還化江東孤
鶴來

江西詩徵

卷二十七元三

二

雪巖樓觀

高閣丹青起中天紫翠分窗當太白雪門俯九疑雲伐木
山人去吹簫帝子聞塵中歸未得春思轉紛紛

送長沙守

白髮長沙守循良又好文近辭金馬去遠有玉魚分對竹
聽湘雨開簾看嶽雲漢廷思賈誼一飯莫忘君

送袁伯長扈從上京

日色蒼涼映赭袍時巡毋乃聖躬勞天連閣道晨留輦星
散周廬夜屬橐白馬錦韉來窈窕紫駝銀瓮出蒲萄從官
車騎多如雨祗有揚雄賦最高

賦壺洲

傳聞海上有元洲曾是安期舊所遊
千頃白雲都種玉一杯弱水不勝舟
魚龍夜護黃金鼎鸞鶴晨朝紫綺裘
波浪不驚星斗近步虛聲裏度清秋

聽雨

屏風圍坐鬢麩麩絳蠟搖光照莫酣
京國多年情盡改忽

聽春雨憶江南

江貫道江山平遠圖

江生去世二百年翰墨零落多無傳
人間幾人寫山水誰能意在揮毫前
昨見石林舊家物春雷疊嶂初破墨
我和葉詩頗豪放三者相望都突兀
險危易好平遠難如此千里數尺間
高雲舒卷非散地麗日照耀皆名山
我持美脯酒一斗墨汁盈盤可濡首
江生精神作此山向山呼生當至
否高秋銀漢天無雲帷中冷然來
夜分黃茅嶺頭華蓋頂畫我獨訪浮邱君

玉龍宮所藏宋乾道宸翰雲壑二字

昔者雲歸壑天章自九重日華常映鳳山氣盡成龍俯仰遺陳迹高深儼德容飄然化春雨結想在高松

送易用昭

詩成長是倩人書最愛東家織翠裾
遶樹斷雲春雨外華星明月晚涼初
滿窓柿葉題都徧短帽梅花畫不如
莫向墨池成久別鷺羣還欲謝崇虛

費無隱丹室

碧雲雙引樹重重，除却丹經戶牖空。一徑綠陰三月雨，數聲啼鳥百花風。年深不記栽桃客，夜靜長留賣藥翁。幾度到來渾不語，獨依秋色數歸鴻。

青山白雲圖

獨向山中訪隱君，行窮千澗水沄沄。仙家更在空青外，只許人間禮白雲。

黃金鑄爲鴨焚蘭，夕殿中窈窕轉斜月。透迤動微風，綺席

列珠樹華鐙連玉虹。無眠待顧問，不知清夜終。

送張道士歸上清

白雲盱水上，自古多仙人。手携綠玉杖，頭戴白綸巾。袖中

江西詩徵

卷二十七

元三

四

出風雨天上，禮星辰歸來。庭戶靜芳草，自生春。

子昂墨竹

子昂畫竹不欲工，腕指所至生秋風。古來篆籀法已絕，止有木葉雕蠶蟲。黃金錯刀交屈鐵，太陰作雨山石裂。蛟龍起陸，真宰愁雲暗。蒼梧泣湘血，吳興之竹乃非竹。吳興昔年面如玉，波濤浩蕩江海空。落月年年照秋屋。

步虛詞

步虛長松下，流響白雲間。華星列燿火，明月懸珮環。肅然降靈氣，穆若愉妙顏。竹宮愴清夜，望拜久乃還。

張令鹿門圖

張侯襄陽人，深知襄陽樂。十年宦學懷襄陽，故托豪傑爲

山郭老我不樂思蜀都人言嵩陽好隱居三十六峯常對
面水竹田廬還可圖欲往不能心燥燥忽見新圖被山惱
沙禽浦樹俱可人金澗石牀爲誰好向來耆舊皆英雄駕
言從之道焉從弄珠月冷識遊女沈劍潭深知臥龍八月
霜晴水清淺聞道扁舟足迴轉何時古寺傍檀溪幾處殘
碑在江峴呼鷹臺高秋草多養魚池中蓮芡波蜀嵩未必
不如此我今不遊奈老何張侯張侯早結屋莫待史詹爲
君卜要看隴上課兒耕好在魚梁白沙曲

畫鶴

薛公少保昔畫鶴毛羽蕭條向寥廓通泉縣壁久微茫故
物都非况城郭長鳴闕步貌閑暇解寫高情亦竒作田中
江西詩徵 卷二十七 元三 五
芝草日應長石上松花晚猶落赤壁江漢孤月小白雲野
迴秋霄薄羣帝相從絳節朝八公許製黃金藥誤嬰塵網
迹易迷移召中洲夢如昨借懸素壁憶真侶忽有微風動
林壑碧虛寥寥積雪高直過蕭臺絕樓泊

題旦景初僉司畫

巨公山堂城南畫圖古檜何甦甦城中無山有山癖直
藉豪墨窮幽揆旦公彈琴古檜下鬱鬱窗戶生晴嵐春雨
時來鶴鳴谷秋聲夜作龍吟潭先皇晝坐羣玉府內使趣
召飛雙驂畢宏韋偃出中秘營邱北苑開滕緘是時旦公
主舒卷一二文士相交參旦公歸來坐成想亦頗拈筆爲
橫楠伯熙奉詔每有作礪柯相竝將無慚嗟予懷歸亦已

久摩挲老目百不堪山中豈之真偃蹇可容白髮抽朝簪
漫興

雨閣添衣潤風簾隱几高白頭更事少病日向書勞南客
傳音信東家問酒醪江邊茅屋破歸楫若爲操

宣和墨竹寒雀

灑墨寫琅玕深宮春晝閑蕭條數枝雪不似紇千山

趙千里小景

前代王孫不好武拈筆幽窗寫汀渚殘雲野水三百年依
舊松筠溼春雨

和陳溪山韻

幽人慎素履古道思獨往曠目登高臺浮雲不足上丹砂

江西詩徵

卷二十七

六

煉仙骨沈濯濯神爽遠懷澄江靜耿若孤月朗河漢自傾
注山川邈游想歛迹倦飛翼歸耕故時壤好風從東來空
谷感遺響詔書薦道逸郡府屬高仰聊持東湖水往助敬
亭賞

題漁邨圖

黃葉江南何處邨漁翁三兩坐槐根隔谿相就一煙棹老
嫗具炊雙瓦盆霜前漁官未竭澤蟹中抱黃鯉肪白已烹
甘瓠當晨餐更擷寒蔬共萑席垂竿何人無意來晚風落
葉何瑒聰了無得失動微念况有興亡生遠哀憶昔采芝
有園綺猶被留侯迫之起莫將名姓落人間隨此橫圖卷

秋水

莫春題馬竹所書

老樹依江岸歸舟傍釣竿水花看晚淨風葉識天寒鴈字
來千里魚羹付一餐遠山青可隱日下是長安

滕王閣

城頭高閣插蒼茫百尺闌干背夕陽秋雨魚龍非故物春
風蛺蝶是何王帆檣急急來彭蠡車蓋童童出豫章燈火
夜歸湖上路隔離呼酒說千將

題張希孟凝雲石

海石不盈握墮然如委雲危岑集遠思虛竇棲微熏天高
泰華斷日出香爐分几研龔清潤文章互網緼潛雷起神
谷震驚天上聞亟視恐無及化爲九龍文

江西詩徵

卷二十七

元三

七

次韻葉賓月山居

冰泮溪流碧雲生島嶼紅輕陰殘夢裏遠樹亂愁中鷗外
兼晴絮豐邊共晚風地偏山氣近霏靄溼房櫳
露冷天光逼溪澄夜影圓水花含窈窕山吹縱清縣爲覓
洪崖侶重尋赤壁船翻愁孤鶴外廻互萬山連
綠瑣依松潤細簾亂薛斑吹笙花下散飛燕雨中還有客
歸謀酒無言臥看山春禽忽相喚淡樹兩闌闌
風日宜芳歲烟霞樂燕居坐深閑看奕爛冷靜修書臘醞
紅生玉春盤綠閒蔬但須門有客不問食無魚

羅若川畫松

莫春多雨晝冥冥羅生畫松當樹屏老蛟化爲劍氣黑白

鶴下啄苔痕青傳來日莫自篝火夢入幽巖尋茯苓不遇
胡僧露雙腳石甬自了讀殘經

癸酉歲晚留上方觀

山中積雪到簷端獨對篝燈坐夜闌不是梅花心似鐵如
何禁得許多寒

寄趙子敬平章

聞道乘閑入翠微猶愁嵐氣溼人衣道旁野樹飛花盡谿
上春雲作雨歸故舊釣絲輕在手仙人碁局靜忘機赤松
曾許同千載擬向高秋傍鶴飛

次韻朱本初訪李溉之學士不遇

城南城北煖塵飛伐木相求苦未歸吟到碧桃還細雨行
江西詩徵

卷二十七

元三

八

尋芳草又斜暉綺窓綵筆題詩徧斗帳沈香入袖微其載
小車勝上馬重遊莫待曉紅稀

臘日偶題

舊時燕子尾麩麩重覓新巢冷未堪爲報道人歸去也杏
花春雨在江南

題韓幹畫馬

韓生觀馬十二閑時寫一二傳人間坡翁嘗來伯時宅見
此遺迹開衰顏前行如雲塵不動後者追風絕飛鞚昔人
能事已可能始覺賞識非虛諷昔觀秘府韓絕少得見龍
眠已驚倒使人讀詩如見畫人中豈復生坡老五雲之中
天上奇代產名駒天子騎神明尙令後古見莫歎韓生非

汎舟桑落浦望見香爐峰野水常欹樹山雲不礙鐘桃源
攜客覓松徑與僧逢爲託荆關輩添予九節筇

孫宰金碧山水

昔代香山避暑宮中天積翠立芙蓉雲生金水三春柳露
滴銀牀五粒松飛瀑橋長通窈窕斷隄人倦立從容舊時
行處今看畫煙雨樓臺晚更濃

甲戌四月十七日至臨川冲雲寺祝聖壽齋罷爲賦

此詩

郭西寺開雙石頭水檻相對林塘幽白花過雨落松暝黃
江西詩徵 卷二十七 元三

九

鳥隔溪鳴麥秋衰朽虛蒙宣室問淹遲實愛小山留爲食
佛日同僧話滿袖天香念舊游

贈無塵道人

雲霧爲衣月作裳天壇獨自禮虛皇龍收古劍沈秋水鶴
識神丹起夜光金井有聲惟墜露玉階無色乍凝霜無端
下界松風動又欲飄然上鳳凰

玉華山

何處清江擁玉華手題名榜寄仙家光凝石殿千年雪影
動銀河八月槎藏藥寶函騰玉氣說詩瑤席散天葩奎章
閣吏無能賦得似新宮蔡少霞

月出古城東

月出古城東海氣浮空濛車騎各已息宮闕何穹窿牧馬
草上露吹笳沙際風帳中忽聞鴈傳令鼓雕弓

書上京國子監壁

神京極高寒幽居了晨夜雷風無時發零雨每飄灑炎光
不到地蕭爽度長夏大化漠無宰豈必事陶冶揚雄不曉
事守道栖栖者元經百無徵白髮謾盈把

至治壬戌八月十五日榆林對月

日落次榆林東望待月出大星何煜煜芒角在昂畢草樹
風不起蛩蛸絕啁啾天高露如霜客子衣盡白羸驂齷餘
棧殘婦泣幽室行吟毛骨寒坐見河漢沒驛人告晨征瞳
瞳曉光發

江西詩徵

卷二十七

元三

十

李老谷

十轉山崦交九度沙磧溜始辭平漠曠稍接山水秀老病
畏行役慰藉得良觀秋嶺晚更妍寒花晝如綉故園夫如
何朝陽眩霜袖

秦定甲子上京有感次韻馬伯庸待制

翰音迎日轂儀羽集雲路寂寞就書閣老大長郎署爲山
望成岑織錦待盈度我行起視夜星漢非故處

盜發亞父塚

盜發亞父塚寶劍寶累之塚開寶氣盡獄吏書盜辭盜言
惟見寶寧知亞父誰項王不相信弟子遂與尸黃腸下淚
銅千歲復何爲大河繞城東落日在城西過客立城下踞

嗣望安期

送西臺治書仇公哲

陝郊得時雨生意始來復存者事稼穡還者葺牆屋安如
凋瘵餘政可致新福闢除正廣術區井表淡瀆均齊定恒
志忠厚保敦篤豈無憂世士受仕在芻牧爲義苦多違好
名常不足治書肅將指善類庶有勗

贈寫真佟士明

佟郎居上京閱人如風花拈筆寫其似千歲留英華邇來
七十年將相紛在目來者有如此往者那可續昔我初北
遊面白鬢如鴉點染頰粉墨華星暎丹霞今如雪中松苦
硬雜蒼白却視當年容邈如不相識不識當如何臨風且
江西詩徵 卷二十七 十一
長歌黃雲接河漢白雪漫陂陀乞身願歸老吳蜀山總好
贈君千黛螺翠色秋可掃

詠史

軒后邈已遠漢武亦雄哉荒忽九州外百年過煙埃變化
庶長久臨海築層臺黃金靡鏤飾喬林摧斷裁樂通竟先
死孫卿殊未回不知作者意空令來者哀奉盤泣繁露馳
道殷奔雷志氣昔所在風雲恒往來

白翎雀歌

烏桓城下白翎雀雌雄相呼以爲樂平沙無樹托營巢八
月雪深黃草薄君不見舊時飛燕在昭陽沈沈宮殿鎖鴛鴦
典夫容露冷秋宵永芍藥風脂春晝長

酬蕭侯送蒲萄

蕭侯昔致蒲萄苗山童不灌三日焦宛西上品復親致手
種窗南自澆水一月當生一尺長移向江頭薜荔牆秋深
兩足馬乳重舉囊石壓青霞漿是時蕭侯當走馬來訪衰
翁茅屋下酒酣舞劍傾一尊不信金盤露如瀉

題子昂長江疊嶂圖

昔者長江險能生白髮哀百年經濟盡一日畫圖開僧寺
依稀在漁舟浩蕩回蕭條數根樹時有海潮來

送王照磨之官雲南

遺廟珍珠浦歸舟棹道溪飛鳶愁暑雨走馬畏山泥官署
尊丹鶯祠官勝碧雞題詩遠相送紅日五雲西

江西詩徵

卷二十七

元三

三

次韻李侍讀東平王哀詩

宇宙生竒變明良陷逆圖傳聞昏白晝悲憤結全區治極
機潛否思深事失謨犯車仍斷軌壞戶竟傷樞魑魅嫌明
鏡強梁忌雅模甘心成首禍藉口肆群諛隱忍危衝決憑
陵善唯俞自天俟鉄鉞累月具箠壺裏草疑亡地招魂競
出都笳鳴殘夕月馬僨四交衢所痛倉皇際將無古昔殊
腹心何蠱蝕肘腋不支梧列位多翹楚干城總豹貙詎言
歸厄數不復頌貞符天討公無赦皇心愛不姑報讎論婉
變錫爵酌嗚呼相業今如在民生實少痛誰能疵璧玉唯
有泣瓊珠執簡書群盜當闕欠一夫馳奔嗟薄日沐浴止
中途決去思投闕違之或汎湖危知無後死恨不奮前誅

春雨煩冤滌朝陽癘思疎謳吟申感慨述作懼荒蕪芒忽
思離散焄蒿起苑枯神還嵩岳峻氣直斗杓孤陟降先皇
側回翔造化徒英靈常會合瞻想豈虛無

送陳碩

并序

莆田陳氏慶歷名法從故家也自衆仲來京師集
得友焉凡問學脩己之事有益於愚陋多矣又從
知其父兄之賢也問所自出則南塘趙氏信乎其
學之有傳矣嘗以其從子碩來見予愛其端謹可
望南歸省父衆仲送之以文予不能忘也乃賦詩

曰

六歲過閩郡書聲憶滿城目盲今子夏心醉昔延平爾叔

江西詩徵

卷二十七

九三

三

同游息吾交媿老成每分重席煖相對一燈明遠海乘桴
意高山伐木情願攜叩竹杖往看離支生辟掾青衫舊趨
庭綵服輕爲言穿木榻亦未厭藜羹寶瑟留飛鴈蘭舟及
轉鸞佩懷湘渚贈綬向會稽迎去去江雲溼飄飄島霧清
重來知有意時我已歸耕

贈星上人歸湘中

潭北湘南無影樹一花吹度海門潮天香滿室定初起雲
氣上衣身欲飄寶月夜寒龍在鉢銀河秋漲鵲成橋豈無
一箇邛州竹與爾松根共寂寥

歐陽元功待制入院後僕以兼領成均辰酉甚嚴絕
不得相見今夜當同宿齋宮賦此先寄并簡謝敬德

脩撰

學省初兼禁直稀故人同署却相違
食餘苜蓿承朝日坐候棠梨過夕暉
預喜奉祠秋寺燭定知催襍早朝衣
今晨瘦馬經門巷想擁青綾尙掩扉

二十五日卽事呈閣老諸學士

松陰鵠立候官車風送飛花著白鬚
水影漸移簾側畔鶯聲祇在殿東隅
近牀儼進名臣操載筆親題列女圖
太液雨餘波浪動龍舟初試散魚鳧

送進士劉聞文廷赴臨江錄事

清江百尺石爲城太華千峰積雨晴
官府幾時書帙靜漁舟盡日釣絲輕
故家好訪春秋學上國多傳月旦評
頗有江西詩徵

卷二十七

元三

古

老懷煩錄事到州爲問范先生

訪李真人不遇

退朝花底珮珊珊去訪真人曉出關
芳草欲迷行徑古長松深護步廊閑
蒼龍挾雨尋瑤簡白鹿穿雲致玉環
如到天壇看月影定知清露滿人間

八月十五日傷感

宮車曉送出神州點點霜華入敝裘
無復文章通紫禁空餘涕淚灑清秋
苑中苜蓿煙光合塞外蒲萄露氣浮
最憶御前催草詔承恩回首幾星周

題李漑之學士湖上諸亭

煙蘿境

玉女乘煙霧松間采薜蘿飛行了無迹明月送空歌

秋水觀

湖溪山影碧天淨月光空幸自無波浪蘋花謾晚風

無倪舟

三周華不注水影漫青天不上銀河去空明擊棹還

次韻竹枝歌荅袁伯長

沙禽東去避網羅蕩舟相逐如遠何越山青青越女白從此勞人魂夢多

春江風濤苦欲歸東盡滄溟南斗低明年白日百花靜憶爾琴中烏夜啼

燕姬當壚玉雪清簫中吹得鳳凰聲不及晴江轉柁鼓洗

江西詩徵

卷二十七

元三

五

蓋船頭沙鳥鳴

賦故宋李文襄公植烏石渡舊隱

窈窕幽篁帶薜蘿青春白日坐蹉跎試詢烏石江頭水可有微波接汨羅

紹興間臨安士人有賦曲一春長費買花錢日日醉湖邊玉驄慣識西湖路驕嘶過沽酒樓前紅杏香中

簫鼓綠楊影裏鞦韆晚風十里麗人天花壓鬢雲偏畫船載得春歸去餘情付湖水湖烟明日重扶殘醉

來尋陌上花鈿思陵見而喜之恨其後疊第五句重攜殘酒酸寒改曰重扶殘醉因歐陽原功言及此與

陳衆仲尋腔度之歌之一再董此字求書其事因書

之并系此詩
重扶殘醉西湖上不見春風見畫船頭白故人無在者斷
隄楊柳舞青烟

劉忠肅公之四孫中書舍人諱震孫之曾孫益之題
其居曰雲松巢予家與劉氏累世之契故爲書忠肅
公文集之首詩三篇并賦此與之

丞相昔遊泰山頂天風浩浩春晝永玉檢微茫不可求但
覺靈霞熟丹鼎白日人間如水流前代衣冠成古邱悠悠
憂患何足計直道千年橫素秋徂徠之松數千尺東連海
上莫煙碧中書偉人如玉立每向南風望東北濁世公子
何翩翩却憶匡廬還謫仙夫容出水耀初日五色光新天
江西詩微 卷二十七 元三 共
爲妍我今僑居廬阜側西視峩眉歸未得豈無雲錦晚相
娛月落終懷雪山白森森喬木魯東家河間禮樂更光華
勿忘先世舊遊處吾林爾馬膏其車

題秦虢二夫人承召遊華清宮圖

貴人竝整如輕鴻承恩馳入華清宮道途先不止行客策
蹇奔趨烏帽風奚囊墮地何足拾豈有篇章浪相及畫史
當時妙墨傳光彩流動狂情急君不見白頭拾遺徒步歸
明眸皓齒事皆非朝天泥滑袖封事高閣雨餘宮漏稀

聞鴈

樓近煖雲溼夜深聞雁低聲音燈外盡羽翮月邊迷冉冉
白榆上悠悠黃竹西應逢穆王駿春草一長嘶

風賦范德機詩後
玉堂妙筆交游盡投老江南隔死生最憶崖州柏憶處華
星孤月海波清

金人出塞圖

海風吹沙如捲濤高爲陔磧深爲壕築壘其上嚴周遭名
王專居氣振豪肉食渾飲田爲遨八月草白風颼颼馬食
草實輕骨毛加弦試弓復置橐今日不樂心慄慄什什伍
伍呼其曹銀黃兔鵲明繡袍鷓鴣小管隨鳴執背孤向虛
出北皋海東之鷲王不驕錦鞞金鏃紅絨條按習久蓄思
一超是時晶清天翳絕鴛鴦東來雲帖帖去地萬仞天一
管離婁屬望目力竭微如聞音鶩一擊束身直上不回折

江西詩徵

卷二十七

元三

七

遂使孤飛一片雪頃刻平蕪灑毛血爭誇得雋頓足悅挂
兔縣狼何足說旌旗先歸向城闕落日悲風起蕭屑煙塵
滿城鼓微明大會要王具甘歡王亦欣然沃焦熱闕支出
迎騎小驥琵琶兩姬紅頰頰歌舞迭進醉燭滅穹廬斜轉
禮逾月

挽文山丞相

徒把金戈挽落暉南冠無奈北風吹子房本爲韓仇出諸
葛寧知漢祚移雲暗鼎湖龍去遠月明華表鶴歸遲不須
更上新亭望大不如前灑淚時

京師秋夜

風竹撼秋聲天寒夢不成如何今夜月偏照客窗明

東家四時詞

臨流洗硯見長身白苧寬衣短葛巾
絢扇自題新得句水亭分送倚闌人
不出其國五十里百里而外王
摩挲舊賜碾龍團紫磨無聲玉井寒
鸚鵡不知誰是客學人言語近關干

澄波千頃擁高鬟手折芙蓉月下還
解憶高堂風露冷衲衣先送碧雲山

賀雪宮門上表歸貂裘猶帶六花飛
海南新送收香烏轉覺清寒入翠帷

贈傅與礪

水玉空青不易求蘭茗翡翠擅清秋
才情豈是人間少不

江西詩徵

卷二十七

元二

六

到高唐夢未休

送豫章熊太古兼寄蘇伯修參政

豫章有家學禮樂不見收爲養不擇祿
淒涼向炎州攬結桂樹枝誰爲玉雪謀
十年一再見我老君白頭古劍光陸
離繫以珊瑚鉤激昂文史閒未媿班
馬儔蘇君天下士定價琳琅球江漢
方渺然爲我觀素秋長吟以相送明月
在高樓

送呂教授還臨川

并序

古者仕不出其國五十里百里而已
入仕王朝才

千里而近無父兄妻子墳墓屋宅之
別而有祿食

之羨車服之華焉豈不便適人情乎
哉今國家奄

有宇宙仕者視南交朔易若東西家然則彼出入
驅馳不越乎州閭黨術之間者不亦隘乎呂君仲
謙世居臨川之南山木鬱茂田毛易長仰事其親
俯育其妻子何嘗有意於遠游哉一旦用薦書得
爲遼東學官隨牒以行且萬里冬裘不足以禦寒
蔬腸不勝其恒肉雖志氣不變然情能無少違乎
僕願留之館中而不可歸其宜也故作詩以送之
黃金作臺留好客好客不留秋月白東風吹雪滿衣襟却
賦長歌送行色遼東之山醫巫閭六月五月雪不除昨朝
遣使降香去五尺冰上行飛車知君江上慣舟楫快馬如
龍亦徒設束取來時一卷書還向江波弄明月我本蜀人
江西詩徵 卷二十七 九

悠哉

從兄從觀父與集同出榮州府君宋亡隱居不仕而
歿集來吳門省墓從外親臨叩韓氏得兄遺蹟有云
我因國破家何在君爲脣亡齒亦寒不知爲誰作也
撫誦不覺流涕因足成一章并發其幽潛之意云
我因國破家何在君爲脣亡齒亦寒南渡豈殊唐社稷中
原不改漢衣冠温温雨氣吞殘壁泯泯江潮擊壞欄萬里
不歸天浩蕩滄波隨意把漁竿

興慶宮朝退次韻袁伯長見貽是日上加尊號禮成
告謝集卽東出奉祠齋宮

翠蓋重重寶扇斜從官穿柳散慈鴉過宮路遠紆天步上
壽杯深閣雨花玉貫兩虹通象錦衣成五綵鍊雲霞奉祠
東出蓬萊道春水鳧鷖踏漢槎

送戴真人歸越

戴先生日飲五斗醉不得再飲一石不肯眠昨從桃源來
兩袖攜風煙長安道上小兒女拍手攔道呼神仙馬如游
龍花如雨蹴踏春秋作朝暮東方不作窗閒戲上帝還令
海邊去海邊玉虹夜不收貝宮珠闕皆蛟蚪芝田玉樹久
相待天上老仙那肯留戴先生鑑湖之水三千丈不可以
鑑可以釀明朝亦脫錦袍去與汝酣歌釣舡上

黃中

江西詩徵

卷二十七

元三

三

中字介甫臨川人好學工詩虞道園作雪舟篇贈
之因名其詩曰雪舟集

龍池

老龍天上回峯頂石池開噓浪亂晴日蟄沙驚凍雷樹王
洗鉢去淵客振衣來時早若飛雨飄然徧九垓

胡諤

諤字文友餘干人治春秋學長于詩與鄱陽黎廷
瑞吳存齊名大德時舉茂才異等爲袁州教授有

西洲集

曉發鄭渡

短檝侵晨發渡頭烟色昏隔溪人語近傍舍杵聲喧初日

登林杪繁霜綴草根武陵從此去我欲問桃源

于昌文

昌文南康人大德間官彬州儒學教授

喜雨

一札丹心上玉旒
行行小隊爲民憂
梧桐葉上三更雨
稻黍人間萬斛秋
誰把龍瓢歸李靖
頓甦魚轍夢莊周
曉來坐看千山綠
一洗炎荒解客愁

喜雪

肅肅誰將滿院清
歲寒臺柏自中庭
朝來踏破尋梅去
夜半驚回折竹聽
千尺威稜龍露甲
一襟冰玉鶴添丁
銀花黠點豐年兆
預報山城酒價平

江西詩徵

卷二十七 元三

三

偈哲篤

哲篤字世南其先回紇人父文質官南昌遂家焉
大德二年進士歷官工部尙書參知政事

題趙千里夜潮圖

風濤洶湧千堆雪
拍岸翻空倒銀闕
鴈聲驚起一江秋
萬里無雲挂明月

贈墨士

魚胞萬杵成元玉
應是柯仙得妙傳
磨盡風塵眞骨相
何時海上遇回仙

題商德符李遵道合作竹樹圖

槎牙老樹依槃石
瀟灑霜筠護碧苔
一樣清奇俱絕筆
頽

頡好手爲誰開

胡元璚

元璚金溪人大德中有文名

孝女祠送神曲

招淑靈兮山之阿駕雲駢兮兩英娥攜手同行兮肯予過

憩新祠兮樂也婆娑解山肴兮野蔌清泉爲酒兮明月爲

燭石鐘自鳴兮鷓鴣自曲石鐘鷓鴣兩山名風景當年兮鬱彼草

木解靈之來兮鼓淵淵靈之去兮駕翩翩爐烟息兮斯萬

年我民子子孫孫兮力畋爾田解

周應極

應極字南翁鄱陽人至大間以程鉅夫薦獻皇元

江西詩徵

卷二十七元三

三

頌擢翰林待制英宗朝每召見呼學士不名未幾

卒有拙齋集

宿李陵臺

野戍平蕪入曠懷征鞍小駐李陵臺關河萬里秋風晚霜

月一天鴻雁來持節蘇卿真壯士開邊漢武亦竒才千年

陳跡無窮意且向郵亭酌酒盃

劉將孫

將孫字尚友號善吾廬陵人辰翁子皇慶中薦授

光澤主簿有養吾齋集

送錢方立遊荆

峴山西上楚天頭善劔區區事遠遊歲月如流方作客江

山信美莫登樓百年耆舊誰家傳一代衣冠又古邱亂後
題詩詩卽史未應輕付水東流

記夢

縹緲蓬萊宮夜夢僅能至幸瞻金華伯手授瓊笈記文辭
雜篆籀反覆未了義侍臣撫掌笑正坐汝識字

嚴嚴青華君英英藥宮仙靈房數千間玉姬美於蓮按歌
節金玉微粲傾嬋媛棄家漫學道仰視心悽然

雜詩

事主敢不忠忠乃特未易捐軀欲奚爲中道咄非意是非
或有局忠邪亦易位一時容異見千古尙倒置嗚呼東市
車此豈晁家事

江西詩徵

卷二十七

元三

三

大緩人所有小靳非人情乘危作險語何能不疑嗔君心
人豈知君語非所陳造然豈友道餘悔不蔽身暮年王茂
宏流涕周伯仁

人生有邂逅所托非所願物論極無情心迹誰與辨噫嘻
落帽狂豈有入幕戀髯參與短簿談笑入文獻孟嘉盛德
人老續桓温傳

六合方内外意賞各一尙朱門玩海鷗故覺神氣王高屐
遊塵間談辨雄坐上或云古無有彼道焉得放不見元嘉
間嘗有黑衣相

淵明節高世甲子書微茫子美窮念君同谷歌悲傷可憐
天復未羈縲圍困場故官署庚子事苦無名章得非韓致

光坐累香奩香

寒坐

殘燈挑欲盡小雨止復作山寒無人聲瓶凍梅白落呼茶
不愜意掩卷與逾索豈無杯中物獨舉誰與醉殘年十日
盡千里一枝託前冬東湖雪親友共磅礴取歡各極意且
復嘆飄泊而况隻影留微吟付寥廓

暮過水驛

薄暮度長橋晚色入溪路山椒猶落日水面已微霧蒼茫
汀洲烟漁火兩三處似可小盤桓樓角催人去

大乾旅館

夜雨不成泥朝雲有餘陰四山含清氣萬木留蕭森鷗飛
江西詩徵

卷二十七元二

十四

點空碧煙淡出遠林灘石得初漲金石發新音小憩臨水
閣前陳皆會心歸程與晤賞二事俱難任

广石行

石在建昌道上

巨靈斜劈山半壁一半飛空去無迹至今枯骨不生皮撐
拄稜稜骸赤立傾崖東西首相擊綫路井窺天一匹畫開
束峽臨清曠特聳屏幃蔽風日斜崩覆壓如重簷橫展平
鋪幾百尺旁蹲側踞森鬼怪醜臥奇奔隨散擲猿猱攀綠
定難上燕雀壘孔時容入淨無寸草點空碧惟有溜痕留
舊濕可憐道周不遭遇斗大浯溪二三筆祇今荒寒誰願
省莓苔不沒狂題蹟當年中興藐靈武湘水何所山水窟
海樓雲氣倘成龍此地東西正行驛大書深刻待名手過

車下馬留爭席惜哉山靈不努力五陵蕭瑟三神泣茫茫
六合一片石誰向天涯海濱覓

青原門外夜飲口占

青原寺前門已閉青原門外歌如沸歌聲不是繞梁聲東
坡之詩動鬼神松風吹露月當空一世已入醉夢中吾徒
之狂不在酒借酒放歌歌愈有人間何許無月明誰肯作
此山中行此山此地寧無客曾有夜中驚破月東坡正爾
不自聊長歌有淚如吳潮我聞歌聲忽掩泣文字身前那
得力諸賢能狂勿惜狂持杯未識能斷腸自憐我已狂態
改坐負山中月明海

洗硯

江西詩徵

卷二十七

元三

五

洗硯得新雨題詩聊紀年山川存筆墨歲月祇雲煙花事
紅塵外春風白髮前一溪清漲滿江海意悠然

正月晦

貧豈文能遣花知信又寒東風天地濶久客歲年寬壯志
空留劔閒情莫倚闌栖遲兼落落俯仰付漫漫

別敖幼邁

相望只同雲茲行及故新江空憐久客年近看歸人歲月
堂堂老乾坤草草春共留今夜話更覺別情真

盱江小樓

遠役寧辭暑留行去且徐一涼思客館三月夢家書高枕
餘閒足清談百念疎憑闌終有興明月照脚躡

縣吏家家夜打門春寒悄悄晝空村料應仰屋多嗟歎安
得先生肯正言乳虎一時寧復計宏羊千古不稱冤豈無
他術棲高位亦使蒼生得自存

又說舟車算賦租寧惟確确化膏腴遺民墮淚元太守豎
子叩頭桑大夫有客不須誇泛宅從今敢復歎乘桴閒中
今古聊成笑難載西施泛五湖

和青山會散韻

燭光穿透半林明攜手行扶送衆英月色挾霜寒半戶梅
花待雪守殘更沈吟獨笑談堪憶欲睡不眠詩未賸忽憶
明朝當送客孤燈挑盡若爲情

江西詩徵

卷二十七

元三

五

山中

澹澹踈雲襯日光雨新泥軟暑風涼林空終歲有落葉路
轉半山無夕陽客燕又看忙護子乳鶯時聽靜調黃二年
到處成桑下何限閒情總未忘

臨川荆公祠堂詩

白髮何求坐廟堂苦心千古視荒荒天津有客攢眉早洛
下何人著史忙展轉已憐初意失是非更覺後生長青靑
芳草江南路誰向新亭泣夕陽

羅壺秋訪來志別

霜信橫江鷺不飛風流晚歲倍依依蒼茫寒日三竿短冷
落詩人一舸歸南北行囊惟史記文章餘事到禪機祇憐

夜夜空梁月夢破梅花水四圍

盱江買船

南州行去不多時又買西江短棹歸六月雨肥秋渺渺一
逢人瘦月依依倚樓宿酒餘殘夢轉柁孤城恨落暉最憶
盱山文秀絕千巖如畫翠屏圍

和宜可感懷

鋒車使節欲空班昨日平章出北闕斷送乾坤消幾許一
邱荒草木綿山

狎客有樓貪午夜幽人露坐惜芳樽風流彼此無消息無
雨無風早閉門

絳紗玉斧瞻天表雉尾龍旗破曉雲萬事由來誰料得天
江西詩徵

卷二十七元三

戊婦詞

幸自清宵遠夢稀何人遞得近書歸不知山上人成石猶
說天寒更寄衣

劉鶚

鶚字楚奇永豐人皇慶間以薦授秘書監歷翰林
修撰與虞道園歐陽圭齋遊出爲江西行省叅政
守韶州贛寇圍城被執抗節死有惟實集

浮雲道院詩并序

泰定丁卯予自河南考滿歸於所居鷄山之陽闢
五畝園植花竹茶橘之屬築室三楹置圖書設枕

簞以爲讀書之所賓至則相與飲酒賦詩投壺雅
歌以終日或焚香讀書登山臨水以自樂翛然物
表直欲輕世而肆志焉因竊取吾夫子富貴於我
如浮雲之語扁之曰浮雲道院因成數語以寫予
懷

讀書冀間道何必競榮名主賓辨內外物我孰重輕崎嶇
更嘗餘愈覺茲理明浮雲視富貴悠然悟深情
青山五畝園隨意茆三間竹樹發佳趣好鳥鳴闐闐物情
固自樂聊得開我顏長歌答天風以永今夕閒
胸次寡塵慮隨寓皆可樂孰云柴桑里不似麒麟閣雨餘
草初生風定花自落榮辱今兩忘遺經在牛角

江西詩徵

卷二十七

元三

天

廣譽薄文繡美德賢膏粱信道苟不篤不幾茲言狂春風
散天和宇宙森衆芳盛德固莫及千載遙相望
生人以御物何事隨物化五色雙目盲昏昏且爲夜高處
忽眼新今我重悲詫爲塞陷天流雲開見嵩華

留心強爲善萬事當聽天天定還勝人何須苦煩煎原憲
竟得貧顏子不假年在彼不我知在我當勉旃

有客遠方來訪我衡門下豈無一樽酒樂此芳時暇好風
吹晚花綠醕粘盞筍痛飲君莫辭流水易衰謝

春來農事及雨過田水滿呼童具犁鋤耕作趁春暖但願
黍稷稔客至得相欵此外復何求讀書識吾短

失之要本無旣得乃固有但知貧爲常未知賤者醜貧賤

與得失命矣果誰咎萬態森前陳凝然袖吾手
舞雩詠春風步履傍花柳此景信可樂胡爲疾其首陶然
天壤間萬事皆我友惟應甕頭春不知今熟否
靜夜生百態曉起俱不然奈何不自悟擾擾欲勝天效顰
冀見好反以醜取捐勞心苟無益何如信吾緣
權門手可熱行路爲低頭一朝滄桑翻言之使人羞伉儷
不能庇骨肉爛莫收悠悠茅屋間老矣歸山邱
田園兒女計爲慮靡不周汲汲牛馬走辛苦悲白頭朱門
有餓莩白屋生公侯是其稟氣初窮達非人謀
象箸與玉杯其流至亡國筆瓢陋巷間千載有遺德采采
陌上花豈無好顏色終然易零落歲晚愧松栢

江西詩徵

卷二十七

元三

五九

孟氏有三樂其一無愧心俯仰苟無愧至樂不可任萬化
不得羈超然衆芳林神仙甚非遠何必海上尋
知耻斯不辱知足常有餘豈無負郭田亦有堆牀書春風
茶新苗雨過還當鋤准擬讀書暇茗飲甘如酥

古人亦有言千橘萬戶侯思之亦爛熟有志今甫酌金丸
炫落日清霜滿林秋萬戶詎能擬聊得供杖頭

春風日已和桑麻藹新綠但可了寒暑生理亦自足沉浮
閭里間我亦甘碌碌俯仰三百年蒼然此喬木

常憐世間人晚歲生恐怖問之此何因牽以物欲故孰知
不得將此理當自悟雲散月滿懷清風湛歸路

東坡百世師其學常近禪雖墮斥逐中不作戚戚憐兩賦

耀赤壁尚此風冷然我夢從之遊夢覺月滿天
常愛陶潛翁獨歸田園居采菊東籬間酌酒南山隅有琴
更無絃隨意良自如高風千載間太息誰其徒

擬古

萬頃日二升千間夜六尺所用能幾何何苦悴心力牙籌
與鞭笞役役夜繼日百年俱蒼苔徒資後人惜
疏食以當肉緩步以當車茲言深服膺既穩仍且腴鄙哉
彈鋏君倦倦志魚輿古人甚能言適與吾心如

是心亦猶人我豈悲富貴極知得有命常恐墜不義才薄
未易稱去來矧難繫何如田南山食力差少愧

東鄰有處女煜煜桃李神娉婷不肯嫁愛此天地身惟恐

江西詩徵

卷二十七

元三

三

失所托悔恨難自陳踟躕悄無言日照空閨春
荆山一片玉秀氣鍾鴻濛幽暉不自銜老雨蒼苔封紛紛
他山石舉世多拙工卞和今豈無至寶寧終窮

感懷

喪亂八九年乾坤日流血人心久不古倫義悉磨滅豺虎
在城市生民半魚鱉張弓不得射令我重嗚咽欲付之忘
言寧無愧司臬

醉者常百千醒者纔一二苟或不自持醒者亦復醉諸君
願正大政好持善類庶幾綱目張或可起憔悴政事如修
明盜賊亦入輩無令賈長沙痛哭至流淚

喪亂靡有定天下無全材苟不事淫酗輒復多疑猜徒知

尙權勢不恤治體乖生民化盜賊田里多蒿萊狂瀾亦旣
倒縱挽不可回願忍賈生淚且進淵明杯

中秋有感

京國湖山十二年年年兩地望嬋娟流光過客催我老明
月與人今夜圓又逐雲萍來嶺表幸同兒女樂尊前可憐
有弟頭如雪爛漫斑衣遶膝邊

登快閣

一登快閣情何極太史騎鯨已上天烟樹溟濛秋可畫江
山空澗客如仙半生不識東南路浪迹深慙上下船四海
故人今聚首忽驚歌舞落尊前

送徐伯高

江西詩徵

卷二十七

元二

辛

共宦闔南三見秋相看正好又韶州故家喬木今千載碧
嶂清江第一流案牘暇時仍閱史江山佳處更登樓如今
刀筆皆爲相好取功名趁黑頭

九日峽江舟中

秋風如此客辭家重理平生舊帽紗不是故山無白酒年
年奔走負黃花

題東山高臥圖

東山攜妓嬉遊日敢意胸存萬甲兵今日總戎真豎子徒
耽歌舞誤蒼生

吳存

存字仲退鄱陽人延祐元年中選授本路學正調

寧國教授至元間卒右司樂安遺藁

宿王存善江樓

晚出番君國夕眠王粲樓
疎砧深巷雨殘角古城秋
邂逅成幽趣登臨憶舊遊
好將塵世眼長此對螺舟

胡仁傑舊作次韻

一囊自記平生夢反復看
來笑復嘆老矣廉頗空善飯
少之燭武不如人筆枯風
雨千言疾眼眩烟雲萬態
新我誤已深君勿誤古來
技富得家貧

夜行大野湖中

湖海三生一念差扁舟夜
夜艤蘆花身經雁帛飛來
地夢繞龍梭化處家溪語
船頭風力順露明篷隙月
痕斜若無江西詩徵卷二十七元三

三五

織女支機石誰信河源八月槎

次苑知事秋日懷故園韻

紅葉侵堦草映扉先生危
坐了朝暉官清頗訝休文
瘦道勝方知子夏肥且可
一樽持郭索何須萬里嘆
伊威芝山爽氣年年好未
覺微之拄笏非

蹇驢

一驢蹇復蹇負我自有餘
我行東西郊不亟亦不徐
日出尋我友日入息我廬
看山或躑躅步月仍躊躇
爾蹇吾不厭慎勿欺我癯
權門汝弗售高駟非我須
材力各有稱分齊戒所踰
引首忽長鳴侶與我意俱
呼童置綠陰報以一

束芻

答婦

我行桃未開我歸筍成竹久客欲何成蒼苔繞吾屋書燈
仍舊青客髮非故綠婦亦笑我癡胡不捨句讀老生方隱
几起坐一捧腹方今聖明代四民各有屬上者萬鍾榮下
者一屨足簪組吾不任畊稼非所服手鋤誠迺勞庶以功
易粟卿言亦大好吾計固已熟百年須幾何勿使兩眉蹙
婦笑更謂余新醅似堪漉

新安王仲儀訪余不值又來浮梁得會縱游數日而別

湖江秋濤薊門雪南北與君同一轍疎來相望兩青燈壘
甕嚼酸冰作屑我泛雙溪訪舊遊茵蔯香中雨聲絕此時
江西詩徵 卷二十七 元二 三

君從芝山來兩袂冷風洗煩熱一朝邂逅論三載如寐得
醒饑得啜浮梁近郭多佛屋處處煮茶憩清越寶積山前
漱玉亭尙想金山廣長舌金鰲穩處寶珠樓飛簷倒影蛟
龍穴恨不清秋此倚闌下看玻瓈浴明月此邦人物承平
舊竹立衣冠鏘珮玦春風沂上更超然乾端坤倪見軒豁
人生會難散苦易我意欲留君欲別鈞天可聞不可譜天
馬難羈意飄忽雪泥聊復記飛鴻萬疊青山照華髮

次高彥文韵送王仲儀

剡溪文如下水船天然之質無饒鑄君如駿馬不受鞭目
光夾鏡驥連錢信知文章有源委荷根爲藕花爲蓮豈同
俗學枯且澀刮毛龜背難成璣宣城古號山水國敬亭雲

氣雙溪烟元暉太白舊吟處泠泠遺響留風泉扶輿清淑
闕已久明時之瑞宜多賢君才槃槃無不適不居玉堂當
木天譬如良醫蓄善藥痠者可起痼可痊誰令臯比坐講
易清晨滴露朱自研筆端武庫人詫杜腹中經笥誰嘲邊
古今文治春塊北雨露未必榮枯偏豹文暫爾元霧澤鷺
翻一舉青雲連人言靈運易成佛自笑長房難得仙平生
儲書一千卷清灣之上屋數椽牛鐸自諧欲誰賞石槩不
透徒鑽堅場來昌江與君遇適有詞客來星川偶然再鼓
余已竭竒絕七札君猶穿文章于道亦何有如君豈但工
槩鉛酒中真趣諒有得不妨更爲醒者傳

贈畫士

江西詩徵

卷二十七

元三

十四

良工畫骨不畫肉俗士信耳不信目莫言畫者世罕逢識
者寥寥千載獨葉公去後少真龍與可以來多厲竹珠人
緯蕭翻得煨宋人藏石夸爲玉我年七十閱人多舐筆和
鉛徒碌碌孰知吾邦有妙手墨光夜夜虹穿屋昔遊廬山
有殘雪煩君寫入鵝溪幅雙劍峯前漱玉亭著我枯筇對
晴瀑

客館思歸

陰陰野樹鳴啼鳩漠漠餘寒落棟花十載送春渾是客五
更聽雨忽思家

絕句

蹇驢昨日雪濛濛破帽呼舟古渡風吟得詩成還不世要

留此景著胸中

與徐山玉

愛子眉垂白於余眼倍青眠雲豫章榻呼月鵲湖亭世慮
吾忘我天機影答形木蘭枝上露香入太元經

宿慈雲庵懷梅山

慈雲樽酒地回首輟鄰春水壞車行道雲迷手植松百年
嗟我後四海念誰從風雨春歸夜還聞景德鐘

雜興寄芳洲

置酒荒臺日未晡酒酣擊缶自歌呼春從杜宇聲中去寒
到桐花開後無萬里江山增感慨一年風雨減歡娛歸來
掩却柴門臥一逕殘紅護翠蕪

江西詩徵

卷二十七 元三

三五

塵網栖栖三十秋青春背我已堪羞書留後世揚雄賞詩
帶前生杜甫愁隱去只須名謾記病來方始悟浮休明年
定買舟如葉小住東風杜若洲

登望湖山分韻香字

雨滯妨遊病更妨登危筋力喜猶強山光遠映鬚眉潤春
氣濃熏杖履香古廟靈衣新黼黻長松天籟舊宮商重樓
晝鎖黃冠出却笑閒人有底忙

彭忠烈錦袍鍔扇落他姓孫公尹購得有詩次韻

東歸幾日竟南遷菩提沒渝城萬仞鐫社稷已墟遺古廟英
雄不死作飛仙空聞扇鐵遮西日恐見袍花麗晚天猶有
故家喬木在年年春綠照番川

青青園中葵托根信云美夙承春風恩華葉光嶷嶷願得
羞王公顏色照筐篚道路阻且長終然不我以悠悠歲年
晚零落自此始獨有太陽心不爲霜雪死

楚國有佳人雙蛾秀娟娟自倚容色好不復施朱鉛舉世
非所偶窈窕誰爲妍獨抱松栢心坐閱桃李年盈盈東家
姝綺羅照珠鈿賦命固有定脉脉良自憐

二月望日

忽忽春已半我酒不得持今晨始無事出門草離離喧禽
樂新霽羣動各以時居人亦有營驅牛向東菑我學嘆遲
暮今茲復來茲同舍笑謂我用此鉛槧爲當年不見察萬

江西詩徵

卷二十七

元三

美

世以俟誰明朝是社日且啜山中醜

蕪菁花

桃李春未動蕪菁已煌煌我家溪上田百畝春風香春風
日初晴蜂蝶紛如狂霏霏適此時翁翁理亦常一氣暢旁
礴萬彙生輝光盛麗自有屬瓊碎豈足當偶出紅紫先遂
擅一日塲兒童眩目前不復知衆芳桃李終不言含情待
熙陽南山有老栢終歲常蒼蒼

霜鐘琴

昔余北征年歲晏霜滿野江城起踈鐘殘月隨瘦馬此時
詩有思倥惚不得寫孰云春容音般般君指下千年嶧陽
桐勁氣種拱把斲之復空洞宇宙寄瀟洒中郎久不作妙

質誰識者君從何處得此物今代寡吾聞豐山鳴寒玉
萬瓦安得絃清商爲我洗炎夏

許叔侶池上觀萍寄徐山玉

蕪蕪池上雨離離雨中萍方聚若浮雲忽散如流星永懷
平生友雨翳山冥冥今我雙履迹何由至其庭舊夢四十
年松間兩囊螢相從豈無時念此秋髮零向來蒼松色鬢
毛與之青我鬢已如茲松下應有苓歲晚攜長鏡一噉三
千齡迂言以自慰勿遣傍人聽

敬亭山懷謝

輕陰閣朝雨暖吹收春霾行行出西郊山氣日已佳飛仙
有靈跡凌雲敞高齋不辭躡丹梯寧論濕青鞋幽花旣窈

江西詩徵

卷二十七

七

宛新笑何啻啻尚恐林谷深下有虎與豺風騷千載人生
晚不及借悠悠寄孤吟日暮增深懷

陳氏雨窓

窓前桐陰橫窓下蘚紋綠此時窓中人已春睡足急雨
從何來浩蕩鳴我屋浪浪如建瓴袞袞似懸瀑餘吟晚未
斷匏磬雜琴筑推窓看前峯雲氣正氛郁還坐更支頤妙
趣那可獨戶外有履聲爐中茗初熟

秋社

江南太平重秋報村東村西田鼓鬧歲無旱溢國無兵露
積千倉煙萬竈予時童卯未憂翁豈憂無酒可治龔那知
回首二十載半間社屋蒼苔封低頭自讀元祐史麟趾深

仁浹肌髓一匙社飯千古悲後園秋雨號狐狸

毛鼎仲九日登榴峯望祀衢祀舉先典也次韻

楚聲多哀不忍和寒花滿地西風作去家昔聞丁令威
述今同謝康樂松楸日短烟重重豺獾心長天漠漠何年
麥飯洒清明却話榴峯酒杯落

明皇倚楊妃菊爲巖氏賦

三郎玉雪真天人玉環酒面醕青春一聲鞞鼓香夢破玉
樓去作蓬萊身當年報國心自矢在地爲枝願連理返魂
今見東籬花兩雨天然見秋蘂根同榦同色不同東枝粹
白西枝紅尙想霓旌下南苑袞袞同輦飄香風三生飽受
繁華福甘與客星伴幽獨憊誰爲繫護花鈴莫遣銜花怨

江西詩徵

卷二十七元三

三

麋鹿

朱氏四虎圖

兩虎驕悍戲相搏嚙騰攀膺氣交作一虎危坐首獨回一
虎騰趨勢如躍勿矜肉飽身自閒會當驅汝守九關一聲
怒嘯崖谷裂北風獵獵枯梢寒

江西詩徵卷二十七

